



A Stab As  
Monica Haldorsen  
Ulsmågvegen 7  
5224 NESTTUN

Referanser:  
Dykkar:  
Vår: 23/4098 - 23/57293

Saksbehandlar:  
Hanne Marie Evensen  
hanne.marie.evensen@alver.kommune.  
no

Dato:  
06.07.2023

## Dispensasjon og rammeløyve til oppføring av lager med dusj og WC - gbnr 127/83 Mongstad

**Administrativt vedtak:** Saknr: 738/23  
**Tiltakshavar:** Bøkevoll Eiendom As  
**Ansvarleg søkjar:** A Stab As  
**Søknadstype:** Søknad om løyve til tiltak med ansvarsrett.

### VEDTAK

Det vert gjeve dispensasjon frå krav om antall parkeringsplassar for oppføring av lager med dusj og WC på følgjande vilkår:

1. Eigedomane gbnr. 127/78 og 127/83 vert slått saman innan det vert søkt om ferdigattest.

Dispensasjonen er heimla i plan- og bygningslova § 19-2.

Med heimel i plan- og bygningslova § 20-1, jf. pbl § 20-3 vert det gjeve rammeløyve for etablering av lager med dusj og WC på eigedom gbnr 127/83. Løyvet vert gjeve på følgjande vilkår:

1. Tiltaket skal plasserast som vist i situasjonsplan datert 10.01.2023 med heimel i pbl. § 29-4, jf. SAK § 6-3.
2. Toleransegrense for plassering av tiltak vert sett til +/- 20 cm i vertikalplanet og +/- 50 cm i horisontalplanet. Vi gjer merksam på at toleranse ikkje har noko med avrundings- og kommareglar å gjere, slik at høgde- og plasseringsreglar gjeve i lov eller plan, er å forstå som absolutte grenser.

3. Tiltaket skal knytast til kommunalt vassverk i samsvar med framtidig løyve til påkopling.
4. Tiltaket skal knytast til kommunalt avlaupsanlegg i samsvar med framtidig løyve.
5. Tiltaket får tilkomst direkte til offentlig veg.
6. Det skal liggje føre mellombels bruksløyve/ferdigattest før bygningen takast i bruk.

Før det vert gjeve igangsetjingsløyve for tiltaket skal følgande ligge føre:

1. Det må avklarast med vegavdeling i Alver kommune om det må søkjast om utvida bruk av avkøyrsløp.
2. VA-avdelinga i Alver kommune skal ha godkjent søknad om tilkopling.
3. Løyve frå Arbeidstilsynet.

## SAKSUTGREIING

### Tiltak

Saka gjeld søknad om oppføring (legalisering) av lager med dusj og WC med bruksareal (BRA) opplyst til å vere ca. 79,0 m<sup>2</sup> og bygd areal (BYA) ca. 86,0 m<sup>2</sup>.

Utnyttingsgrad er opplyst til 19,66 % BYA for eigedomane gbnr. 127/78 og 127/83, som kommunen legg til grunn skal slåast saman.

Saka omfattar søknad om dispensasjon frå føresegn § 26.1ii4 om krav til parkering.

Det vert elles vist til søknad motteken 16.05.2023.

### Sakshandsamingsfrist

Søknaden var komplett og klar for handsaming den 16.05.2023 og frist for sakshandsaming er 12 veker frå denne dato.

### Planstatus

Eigedommen ligg i regulert område innanfor det som i reguleringsplanen for Mongstad Sør, planid: 1263-12121983, er definert som næringsområde.

### Dispensasjon

Tiltaket krev dispensasjon frå krav til antall parkeringsplassar, jf. føresegn § 26.1ii4.

Det er søkt dispensasjon med slik grunngjeving:

Hensynet bak parkeringskravet er å påse at det blir avsatt tilstrekkelig med areal for parkering innanfor hver næringstomt i området.

Etter vår oppfatning vil ikke hensynet som ligger bak bestemmelsene byggrense, byggehøyde og parkering bli tilsidesatt ved en innvilgelse av dispensasjonen. Det er videre en «klar» fordel at en innvilgelse av omsøkte dispensasjoner vil gi tiltakshaver, etter nylig kjøp av gnr. 127 bnr. 78 og 83, muligheten til å få rettet opp i tidligere uryddigheter hva angår nødvendige godkjenninger etter plan- og bygningsloven. Foruten at tiltakene blir avhengig av dispensasjoner, ser vi ingen klare ulemper. Vår oppfatning er at en innvilgelse av dispensasjonene vil gi «klart» større fordeler enn ulemper.

### **Uttale frå anna styresmakt**

Det er ikkje henta inn uttale frå anna styresmakt.

Kommunen legg til grunn at søknad om dispensasjon på grunn av tiltaket sin art og plassering ikkje skal sendast på høyring til Statsforvaltaren i Vestland. Statsforvaltaren i Vestland får vedtaket til klagevurdering.

### **Nabovarsel**

Tiltaket er nabovarsla.

Det ligg ikkje føre merknader frå nabo.

### **Plassering**

Plassering av tiltaket er vist i situasjonsplan datert 10.01.2023.

På situasjonsplanen er minste avstand til nabogrense vist til å vere 12,3 meter.

Tiltaket er plassert i tråd med byggegrense i plan.

Det er søkt om topp golv på kote ca. + 34,2 og mønehøgde på kote ca. + 38,7.

### **Vatn og avløp (VA)**

Eigedomen er sikra lovleg vassforsyning og avlaup.

Tiltaket skal knytast til offentleg vassverk og avlaup.

Før søknad om igangsetting skal Alver kommune ha gitt løyve til tilkopling til offentleg vatn og avløp.

### **Tilkomst, avkøyrsløp og parkering**

Eigedomen er sikra lovleg tilkomst til offentleg veg.

Før søknad om igangsetjing må det avklarast med veg avdelinga i kommunen om det er naudsynt med løyve til utvida bruk av avkøyrsløp.

Situasjonsplanen viser oppstillingsplass for 60 bilar. Ansvarleg søkjar opplyser at det skal søkjast om samanslåing av gbnr. 127/78 og 127/83. Ved vurdering av krav om parkeringsdekning, vil dei to eigedomane blir sett under eitt.

### **Terrenghandsaming**

Situasjonsplanen viser tilkomst, parkering og avkøyrsløp. Teikningar/snitt viser eksisterande og nytt terreng, og plassering i høve terreng.

### **Visuelle kvalitetar**

Tiltaket skal prosjekterast og utførast slik at det etter kommunen sitt skjønn har gode visuelle kvalitetar både i seg sjølv, og i høve til tiltaket sin funksjon, bygde og naturlege omgjevnader og plassering.

## **Flaum, skred og andre natur- og miljøtilhøve**

Ansvarleg søkjar har erklært at tiltaket ikkje skal plasserast i eit område der det er fare for flaum, skred eller andre natur- og miljøtilhøve som krev særskilte undersøkingar eller tiltak. Kommunen legg denne vurderinga til grunn for vedtaket.

## **Tekniske krav til byggverk**

Tiltaket skal prosjekterast og førast opp i samsvar med byggteknisk forskrift (TEK).

## **VURDERING**

### **Generelt om dispensasjon**

Det er to vilkår som begge må vere oppfylt for at kommunen skal kunne gje dispensasjon. For det første må dei omsyna som ligg bak føresegna det dispenserast i frå ikkje verte vesentleg tilsidesett. For det andre må fordelane ved å gje dispensasjon vere klart større enn ulempene, etter ei samla vurdering.

I tillegg kan ikkje kommunen gi dispensasjon dersom omsyna bak lovas formålsregel eller nasjonale eller regionale interesser blir vesentleg tilsidesett.

Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon frå planar når ei direkte råka statleg eller regional styresmakt har gjeve negativ uttale til søknaden.

Ved dispensasjon frå lov og forskrift skal det leggjast særleg vekt på dispensasjonen sine konsekvensar for helse, miljø, tryggleik og tilgjenge.

Kommunen kan setje vilkår for dispensasjonen. Vilkåra må liggje innafor ramma av dei omsyn lova skal ivareta, og det må vere ein naturleg samanheng mellom dispensasjon og vilkår, til dømes slik at vilkår så langt som mogleg kompenserer for ulemper dispensasjon kan medføre.

### Dispensasjon frå krav om parkeringsareal:

Omsynet bak parkeringskravet her er at det skal vere tilstrekkeleg med parkering for dei som nyttar seg av bygget, sett i samsvar med bygningsmassen.

Reguleringsplanen legg opp til at det skal etablerast 1 parkeringsplass pr. 85 m<sup>2</sup> bebygd areal. For eigedomane gbnr. 127/78 og 127/83 vil dette tilsvara ca. 75 parkeringsplassar. I denne saka er det lagt opp til 60 parkeringsplassar.

Kommunedelplan for Lindåsneset med Mongstad har ikkje konkrete føresegn om parkering, men om ein ser til Kommunedelplan for Lindås så er det lagt opp til 0,5-1 parkeringsplass pr. 100 m<sup>2</sup> BRA for industri/verkstad, det vil sei ca. 42 utifrå innsendt opplysningar om BRA.

Ved etablering av 60 parkeringsplassar ligg ein godt innanfor kravet som er sett i KDP Lindås, og kommunen vurderer at behovet for parkering er dekkja. Vidare er det tiltakshavar sjølv som best kan vurdere behovet for antall parkeringsplassar for denne

eigedomen som i stor grad er ferdig utbygd og som kun skal nyttast i samband med næringsverksemd.

Kommunen kan ikkje sjå at omsynet bak kravet om antall parkeringsplassar blir satt vesentleg til side i denne saka.

I vurderinga av fordelar og ulemper har kommunen særleg lagt vekt på at kravet til parkeringsdekning i overordna plan KDP Lindås er dekkja, samt at tiltakshavar har sjølv vurdert behovet til antall parkeringsplassar for den aktuelle eigedomen. Kommunen kan ikkje sjå at det er nokon ulemper som gjer seg gjeldande her.

Administrasjonen vil sette krav om at gbnr. 127/78 og gbnr. 127/83 vert slått saman.

Etter ei samla og konkret vurdering finn kommunen at vilkåra for å gje dispensasjon frå føresegn § 26.11ii4 om antall parkeringsplassar er oppfylt.

### **Plassering av tiltaket**

Tiltaket vert godkjent plassert slik det går fram av søknaden.

### **Visuelle kvalitetar**

Tiltaket har etter kommunen sitt skjønn gode visuelle kvalitetar, både i seg sjølv og i høve til si funksjon, og dei bygde og naturlege omgjevnader og plassering.

### **Tiltaksklasse**

Kommunen legg søkjar si vurdering av tiltaksklasse til grunn.

### **Vurdering etter naturmangfaldslova**

Kommunen har mellom anna sjekka det aktuelle arealet i [www.naturbase.no](http://www.naturbase.no) og [www.artsdatabanken.no](http://www.artsdatabanken.no) og nytta rettleiing frå Statsforvaltaren.

Kommunen kan ikkje sjå at tiltaket vil kome i konflikt med naturmangfaldslova.

## **GENERELL INFORMASJON**

### **Regelverk**

- Tiltak etter plan- og bygningslova § 20-1 er søknadspliktig etter § 20-2.
- Krav om ansvarleg føretak er gitt i plan- og bygningslova § 20-3.
- Søknad om dispensasjon vert handsama etter plan- og bygningslova § 19-1.
- Kommunen sine fristar for handsaming følgjer av plan- og bygningslova § 21-7.
- Nabo og gjenbuarar skal ha varsel om tiltak i samsvar med plan- og bygningslova § 21-3.
- Krav om tilgang til vatn og avlaup finn du i plan- og bygningslova §§ 27-1 og 27-2.
- Krav til tilkomst til offentleg veg finn du i plan- og bygningslova § 27-4.
- Tiltak skal ha visuelle kvalitetar i samsvar med plan- og bygningslova §§ 29-2.
- Kommunen skal godkjenne plassering av tiltaket, jf. pbl § 29-4.
- Tiltak skal oppførast i samsvar med byggteknisk forskrift (TEK), jf. plan- og bygningslova § 29-5, med mindre det er gitt fritak etter plan- og bygningslova § 31-2.

- Krav til tiltaksplan finn du i byggt teknisk forskrift § 9-6.
- Krav til skildring av miljøsanering finn du i byggt teknisk forskrift § 9-7.
- Kommunens krav til handsaming av dispensasjonssøknadar finn du i plan- og bygningslova kapittel 19.
- Kommunen skal ikkje ta stilling til privatrettslege tilhøve ved handsaming av byggesøknaden, jf. plan- og bygningslova § 21-6.
- Ved handsaming av søknaden skal kommunen vurdere søknaden opp mot prinsippa i §§ 8 – 12 i naturmangfaldslova.

### **Mynde**

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

### **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

### **Ansvar**

Tiltakshavar er ansvarleg for at byggverket vert oppført i tråd med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene før løyvet. Vedtak etter plan- og bygningslova inneber ikkje avgjerd i privatrettslege tilhøve, jf. pbl. § 21-6.

Kopi av dette vedtaket, samt andre saksdokument, skal alltid vere tilgjengeleg på byggeplassen.

### **Bortfall av løyve**

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.

### **Avfall**

Alt avfall som tiltaket fører med seg skal leverast til mottak godkjent av forureiningsstyresmakta.

### **De må søka om løyve til igangsetting**

Ikkje noko arbeid kan settast i gang før det ligg føre løyve til igangsetting, jf. pbl § 21-421-4 tredje ledd. Det kan søkast om løyve til igangsetting for delar av tiltaket.

**De må søka om mellombels bruksløyve eller ferdigattest**

Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket kan takast i bruk før ferdigattest eller mellombels bruksløyve ligg føre. Det kan søkast mellombels bruksløyve for delar av tiltaket.

**Ved all vidare kontakt i denne saka, referer til saknr.: 23/4098**

Med vennleg helsing  
Alver kommune

Hanne Marie Evensen  
Rådgjevar

Are Frøysland Grande  
Avdelingsleiar

*Dette dokumentet er elektronisk godkjent og har difor ingen signatur.*

**Mottakarar:**

A Stab As  
Bøkevoll Eiendom As

Ulsmågvegen 7 5224  
c/o Asset 0117  
Buyout Partners  
AS Postboks  
1537 Vika

NESTUN  
OSLO